

## ADMINISTRACIÓN LOCAL MUNICIPAL NEDA

*Modificación dos nomeamentos de Tenentes de Alcalde e modificación dos membros da Xunta de Goberno Local*

### ANUNCIO

O 06.08.2024 o Alcalde ditou o Decreto da Alcaldía, que copiado di:

#### “DECRETO DA ALCALDÍA

Asunto: Modificación dos nomeamentos de Tenentes de Alcalde e modificación dos membros da Xunta de Goberno Local

**Expedientes:** 2024/G003/000019

O 17.06.2023 constituíuse a Corporación municipal consonte o resultado das eleccións municipais do 28.05.2024.

O 20.06.2023 ditouse o Decreto da Alcaldía 13/2023 de nomeamento de Tenentes de Alcalde e delegacións xenéricas a favor dos Tenentes de Alcalde e Concelleiros, publicado no BOP núm. 119 do 23.06.2023.

O 03.07.2023 ditouse o Decreto da Alcaldía 22/2023 de nomeamento de membros da Xunta de Goberno Local, publicado no BOP núm. 130 do 10.07.2023.

O 05.08.2024 o Pleno tomou coñecemento da renuncia do Concelleiro e 3º Tenente de Alcalde, José Manuel Sanmartín Fornos pertencente á candidatura Partido dos Socialistas de Galicia-PSOE (PSdeG-PSOE).

Tendo en conta o anterior, procede pois realizar unha reorganización coa modificación dos nomeamentos de Tenentes de Alcalde e a modificación dos membros da Xunta de Goberno Local.

De acordo coas atribucións que me confiren a lexislación aplicable:

- Os artigos 21 e 23 da Lei 7/1985, de 2 de abril, reguladora das bases do réxime local (BOE núm. 80, do 03.04.1985), (en adiante LBRL).
- Os artigos 35.2, 43, 44 e 46 do Real decreto 2568/1986, do 28 de novembro, que aproba o regulamento de organización, funcionamento e réxime xurídico das entidades locais (BOE núm. 305, do 28.11.1986), (en adiante ROF).
- Os artigos 59.2 e 62 e seguintes da Lei 5/1997, de 22 de xullo, de administración Local de Galicia (DOG núm. 149, do 05.08.1997), (en adiante LALGA).
- A demais lexislación concordantes e de xeral ampliación.

En base ao que que antecede e, en virtude do disposto na antedita lexislación, **RESOLVO:**

**Primeiro.** Modificar o Decreto da Alcaldía 13/2023 de nomeamento de Tenentes de Alcalde no seguinte senso:

- Nomear Tenente de Alcalde do Concello de Neda ao seguinte Concelleiro:

3º Tenente de Alcalde: Javier Novo Rodríguez (PSdG-PSOE).

**Segundo.** Modificar o Decreto da Alcaldía 22/2023 de nomeamento de membros da Xunta de Goberno Local no seguinte senso:

- Nomear membro da Xunta de Goberno Local do Concello de Neda ao seguinte Concelleiro:

3º Tenente de Alcalde, Javier Novo Rodríguez (PSdG-PSOE).

**Terceiro.** Notificarlle persoalmente este Decreto ao novo Concelleiro nomeado, Javier Novo Rodríguez.

**Cuarto.** Darlle conta ao Pleno da Corporación deste Decreto na primeira sesión que se realice.

**Quinto.** Publicar este Decreto no Boletín Oficial da Coruña e no Portal de Transparencia do Concello de Neda.”

Neda, 6 de agosto de 2024

O Alcalde, Ángel Alvariño Saavedra



## ADMINISTRACIÓN LOCAL

### MUNICIPAL

#### NEDA

##### *Anuncio de nomeamento de Tenentes de Alcalde e delegación de competencias da Alcaldía*

De conformidade co disposto no Regulamento de Organización, Funcionamento e Réxime Xurídico das Entidades Locais, publícase a seguinte resolución desta Alcaldía, ditada, mediante Decreto 13/2023, do día 20/06/2023:

##### “NOMEAMENTO DE TENETES DE ALCALDE E OUTORGAMENTO DE DELEGACIÓNS.

Constituída a Corporación Municipal en data 17 de xuño de 2023, consonte co resultado das eleccións municipais celebradas o día 28 de maio do mesmo ano, habendo resultado elixido Alcalde-Presidente da Corporación na antedita sesión constitutiva, e de conformidade coas atribucións que me veñen conferidas polos artigos 21 e 23 da Lei 7/1985, de 2 de abril, Reguladora das Bases do Réxime Local, polos artigos 43, 44 e 46 do Real Decreto 2568/1986, do 28 de novembro, que aproba o Regulamento de Organización, funcionamento e réxime xurídico das Entidades Locais, polos artigos 62 de seguintes da Lei 5/1997, de 22 de xullo, de Administración Local de Galicia, e demais concordantes e de xeral aplicación,

##### RESOLVO:

##### A) NOMEAMENTO DE TENENTES DE ALCALDE

1º).- Nomeo Tenentes de Alcalde do Concello de Neda e pola orde que se indican, aos seguintes Concelleiros:

- 1º Tenente de Alcalde: D. Ángel Salvador García Cordero (PSdG-PSOE).
- 2ª Tenente de Alcalde: Dª. Ángeles Puentes Maceiras (PSdG-PSOE)
- 3º Tenente de Alcalde: D. José Manuel Sanmartín Fornos (PSdG-PSOE)

2º).- Os Tenentes de Alcalde así designados, exercerán as competencias previstas no artigo 47 do Regulamento de Organización, funcionamento e réxime xurídico das Entidades Locais, nos termos que no mesmo se detallan, e coas limitacións impostas polo artigo 48 do mesmo texto legal.

Todo elo, sen prexuízo daquelas outras competencias que lle podan ser atribuídas por delegación, consonte coa normativa legal en vigor.

##### B) OUTORGAMENTO DE DELEGACIÓNS POLA ALCALDÍA-PRESIDENCIA

1º).- Outórganse as seguintes delegacións xenéricas en favor dos concelleiros que se citan:

- 1º Tenente de Alcalde, D. Ángel Salvador García Cordero: asuntos relacionados coas áreas de Obras, Seguridade Cidadá e 3ª Idade.
- 2ª Tenente de Alcalde, Dª. Ángeles Puentes Maceiras: asuntos relacionados coas áreas de Educación, Deportes e Igualdade.
- 3º Tenente de Alcalde, D. José Manuel Sanmartín Fornos: asuntos relacionados coas áreas de Servizos, Sanidade e Medio Rural.

Así mesmo, outorgo as seguintes delegacións especiais en favor dos concelleiros que se citan:

- Dª. María Ángeles Bello Salazar: asuntos relacionados coas áreas de Cultura e Turismo.
- D. Javier Novo Rodríguez: asuntos relacionados coas áreas de Urbanismo, Medio Ambiente e Xuventude.

2º).- Os delegados nomeados no punto anterior terán amplas facultades para dirixir os asuntos obxecto de delegación así como para xestionalos en xeral, si ben as delegacións non inclúen a facultade de resolver mediante o ditado de actos administrativos que afecten a terceiros, facultade esta que queda reservada ao órgano resolutorio que legalmente corresponda.

Dende a Alcaldía exerceranse directamente as competencias referidas ás áreas de Facenda e Servizos Sociais, así como as correspondente a calquera asunto que non sexa obxecto de delegación, consonte co establecido na vixente lexislación en materia de réxime local.

O presente Decreto entrará en vigor o día seguinte á súa firma dixital, sen prexuízo da súa preceptiva publicación no Boletín Oficial da Provincia. Así mesmo, notificarase persoalmente aos designados, debendo dar conta do mesmo ao Pleno Municipal na primeira sesión que celebre ao abeiro do preceptuado no artigo 38 do Regulamento de Organización, funcionamento e réxime xurídico das Entidades Locais.”

Neda, 20 de xuño de 2023.

O Alcalde-Presidente,

Asdo.: Angel Alvariño Saavedra.

2023/4921